

DE

SENSU SCRIP-

TURÆ SACRÆ
DISPUTATIO THEOLOGICA

TERTIA.

Quæ est

DE SENSU PATRUM.

Quam

In Illustri Universitate Jenensi

PRAESIDE

V I R O

Plurimum Reverendo, Amplissimo, & Excellentissimo,
DN. CHRISTIANO CHEM-
NITIO, SS. Theologiæ Doctore, Professore
Publico, ut & Ecclesiæ & Dioceseos ibidem Pastore& Superintendente; Patrono & Præceptore suo æ-
tatem colendo & honorando,*Publicè Respondendo tueri conabitur,*

JOHANNES ARNOLDUS MELLE,

Northusâ- Cheruscus.

Ad d. X. Novembris,

In Auditorio Theologico.

J E N Æ,

TYPIS GEORGII SENGENVVALDI,

ANNO M. DC. LIV.

SENSE

THE
UNIVERSITY

OF

CHRISTIANITY



In Nomine SS. Trinitatis.

DISPUTATIO THEOLOGICA

DE

SENSU SACRÆ SCRIPTURÆ

TERTIA:

THESIS I.



Contra Tridentinos Patres, ostendimus *Disputatione Secundâ*, SENSUM Scripturæ non dependere à *SENSU ECCLESIAE*: Demonstrandum ergò nunc est, contra eosdem; *Quòd non dependeat à SENSU PATRUM*. Sic enim *Disp. 1. th. 11.* pronunciabat Concilium Tridentinum: *Decrevit* (Sacrosancta Synodus) *ut nemo sua prudentia innixus, in rebus fidei & morum, ad edificationem doctrina Christiana pertinentium, sacram Scripturam ad suos sensus contorqueat, aut. contra cum sensum, quem tenuit & tenet sancta mater Ecclesia, cujus est judicare de vero. SENSU & Interpretatione sanctarum Scripturarum, aut etiam contra UNANIMEM CONSENSUM PATRUM, ipsam Scripturam interpretari audeat.* Duo itaque sunt, quæ restant in *Disputatione* hac expedienda. Nam I. demonstrandum erit, quòd *SENSUS SCRIPTURÆ non dependeat à SENSU vel UNANIMI CONSENSU PATRUM*. II. Ostendendum erit: *Ecquo loco tandem SENSUS & TESTIMONIUM, tam universalis; quàm particularis alicujus Ecclesie: ut & SENSUS & TESTIMONIUM Patrum, à nobis sit habendum.*

II. Quæ igitur de PATRIBUS, Pontificiorum sententia sit, ex illis Concilii Tridentini verbis patet, & uberius exponitur à Beato nostro Gerardo, in *Confess. Cathol. Lib. I. Part. II. cap. 13. p. 551.* Dicit enim Glossa in c. Noli. dist. 9. *Liquitur hic secundum illa tempora, cum adhuc scripta Augustini & aliorum Patrum non erant authentica, sed hodiè jubentur omnia teneri usque ad ultimum Jotæ.* Eccius in *Enchirid. art. de Concil. Tollatur Patrum & Conciliorum auctoritas, & omnia in Ecclesiâ erunt ambigua, dubia, pendentia, incerta.* Melchior Canus lib. 7. loc. Theolog. cap. 3. n. 10. *Sanctorum omnium sensus in expositione sacrarum literarum, Spiritus Sancti sensus ipse est.* Et num. 13. *Quod major pars Patrum senserint, id esse Catholicæ fidei, profiteamur.* Et evidentissimè Gerhardus Lorichius Hadamarus, in *Instit. Cathol. fidei or. ihod. art. 11. f. 50.* *Sensus verus Scripturæ, ex Patrum monumentis petendus, ex sensu eo, quo Patres Scripturam intellexerunt, & sententiis Patrum, omnium controversiarum finis est faciendus.* Hinc & Gregor. de Valentia in *Analyse lib. 8. cap. 3.* scripsit. *Quod Patres sive Doctores unanimi consensu circa religionem tradunt, infallibiliter verum est.* Et Gordonus Huntlaus, *controv. 2. c. 28. p. 317.* *Constantè asserimus, concordem Patrum sententiam, pro infallibili normâ fidei ab omnibus habendam esse.* Ad quod centrum collineant quoque fratres, Adrianus & Petrus Valenburchii, in *Motivo II. Principis ERNESTI cap. 4.* quando, postquam dixissent, *DEUM decrevisse mundum per testes edocere;* subjungunt: *Perspexit hanc veritatem S. Justinus Martyr, quando dixit, in Exposit. fid. pag. 64. C. Unum DEUM colere nos & divina Scriptura, & Patrum doctrinæ docent.* Quibus quidem verbis, & testes testibus, & testimonia testimonii conjungit. Prophetis scilicet Patres subordinans, & Prophetarum testimoniis Patrum testimonia connectens, quod

testium,

testium, testimoniorumque continuatâ serie, veritatem de uno DEO colendo se edoctum esse, profiteretur. Ex quibus haud obscure liquet, quod Patres ita credant Prophetis subordinates fuisse, ut & ipsi participaverint aliquid de auctoritate infallibili, quæ tanquam *indemonstrabilis*, ut c. 28. loquuntur, necessario sit admittenda. Unde dicunt in *Motivo II. c. cit.* 28. *Ostendimus in precedentibus, auctoritatem docentis infallibilem in CHRISTO JESU fuisse constitutam, in Apostolis continuatam, in Ecclesiâ receptam & propagatam.* Similia invenientur apud Valerianum Magnum in Regulâ credendi, p. 42. 47. 48. Statuunt ergo *ab Expositionibus Patrum, Scriptura Sacra SENSUM, tanquam à normâ & auctoritate aliquâ infallibili, quoad nos dependere, & Patribus, tanquam à cui norma fidei esse credendum.* Est enim titulus illius 28. capituli: *Necessario admittendam esse auctoritatem docentis infallibilem.*

III. Quia autem nos juxta Formulam Concordiæ, edis. novæ, p. 570. Credimus, confitemur & docemus, unicam regulam, & normam, secundum quam omnia dogmata, omnesq; Doctores æstimari & judicari oporteat, nullam omnino aliam esse, quàm Prophetica & Apostolica scripta, cum veteris, tum Novi Testamenti, sicut scriptum est: *Lucerna pedibus meis verbum tuum, & lumen semitis meis.* Et quia divus Paulus inquit: *Etiam si Angelus de cælo aliud prædices Evangelium, anathema sit.* Reliqua verò sive Patrum sive Neotericorum scripta, quocunque veniunt nomine, sacris literis nequaquàm sunt æquiparanda, sed universa illis ita subjienda, ut aliâ ratione nō recipiantur, nisi *testium loco*; adeoque SENSUS SCRIPTURÆ, non secundum Expositiones Patrum; sed EXPOSITIONES PATRUM, secundum SENSUM SCRIPTURÆ sunt æstimandæ: Ideo nunc demonstrabimus; Quod SENSUS SCRIPTURÆ non dependeat à SENSU PATRUM, sive unanimi

*nis sis, siue discordans: sed quòd dependeat à SOLO SPIRITU
SANC TO, per Sacram Scripturam ad nos loquente.*

I V. Argumentamur itaque I. ita: *Quicunque destitu-
untur dono infallibilitatis in exponendis Scripturis, ab iis non
potest tanquam ab infallibili quâdam auctoritate SENSUS
SCRIPTURÆ quoad nos dependere. Sed Patres destituun-
tur dono infallibilitatis in exponendis Scripturis. E. Ab iis non
potest tanquam ab infallibili quâdam auctoritate SENSUS
SCRIPTURÆ quoad nos dependere. Major probatur: I.
quia Scriptura non est idia, ὁπλυστως, 2. Petr. 1. v. 20 Sed
sicut est θεόπνευστος: ita quoque, ejus SENSUS ab infallibili
Spiritus Sancti θεοπνευστία, nec ab humano ingenio, aut idia
ὁπλυστος dependet. 2. quia, si SENSUS SCRIPTURÆ quoad
nos dependeret ab auctoritate aliquâ fallibili: FIDES no-
stra non esset nisi probabilis quâdam opinio, cum formidi-
ne oppositi conjuncta. Per fidem verò ambulamus, non per
speciem. Titubabit autem FIDES, si divinarum Scriptura-
rum vacillat auctoritas. Porro fide titubante, charitas etiam i-
psa languescit. Nam si à fide quisque reciderit, à charitate etiam
necesse esse cadat: non enim potest diligere, quod esse non credit,
inquit rectissime August. Tom. III. Libr. I. de Doct. Christ. cap.
36. p. 9. Si autem titubat fides, quando divinarum Scriptura-
rum vacillat auctoritas: etiam titubabit, quando EJUS SEN-
sus quoad nos dicitur dependere ab aliquâ auctoritate
fallibili. Hinc ipsi consentitur Valenburchii, in Morivo II.
cit. cap. 28. Necessariò admittendam esse auctoritatem docentis
infallibilem. Et p. 99. dicunt: Hac igitur est illa auctoritas
indemonstrabilis; (nempe auctoritas docentis infallibi-
lis, in CHRISTO JESU constituta, in Apostolis continuata,
in Ecclesiâ recepta & propagata; qua nos moveat partim mira-
culis, partim sequentium multisitudine, tanquam evidenter
credibilis: sed planè permoveat, si eam consideremus, ut divi-
nitus*

mens constitutam, qua præsidente divinâ providentiâ dirigatur, ut in præcedentibus loquuntur. qua necessario admissenda est, si ad salutarem D E I notitiam pervenire statuamus. Expressè itaque requirunt, ut auctoritas illa, per quam ad salutarem D E I notitiam aliquis pervenire studet, sit indemonstrabile, & principium aliquod infallibile, à quo videlicet, tanquam à principio quodam immoto & indemonstrabili Fides nostra dependeat. Major ergò Propositio certa est.

V. Minor probatur. I. Quia donum Infallibilitatis solis competit Auctoribus Hieronymus, Prophetis & Apostolis; Patribus autem, & aliis Doctoribus competit non fallere, quatenus sequuntur sacram Scripturam; & quatenus vocem Spiritus Sancti per E A M loquentem hominibus proponunt. In sese & ex sese autem sunt fallibiles, nec ab ullius Patris auctoritate ducitur infallibile argumentum, nisi quatenus ejus sententia desumpta est ex infallibili Sacra Scripturâ. Habent enim & ipsi perinde ut alii homines finitam sapientiam, & intellectum finitum. E. possunt errare. Habent finitam bonitatem. E. possunt fallere. Solis autem Canonicis Prophetarum & Apostolorum scriptis competit, esse infallibilem fidei normam & regulam: quandoquidem hæc sola est Hieronymus. Scripta Patrum autem talia non sunt, ut ipsi venerandi Patres sine contradictione concedunt. Legatur enim vel unica Epistola XIX. Augustini, quæ est ad Hieronymum scripta; & habetur Tom. II. p. 27. Edit. Plant. ac apparebit: An Patribus tribuenda sit in Expositione Scripturarum Infallibilitas? Quia enim I. sub finem Epistolæ XVIIII. quæ Hieronymi est, idem dixerat: In Scripturarum campo, si placet, sine nostro invicem dolore ludamus: rejicit illud verbum Augustinus, & dicit: Equidem, quantum ad me attinet, serio nos ista, quam ludo agere malletm. 2. Apertè dicit, illius Epistolæ Capite I. Ego enim sciteor, charitati tuæ solere scri-

Scripturarum libris, qui jam Canonici appellantur, didici hunc
simorem honoremq; deferre, ut nullum eorum auctorem scriben-
do aliquid errasse, firmissimè credam. Ac si aliquid in eis of-
fendero literis, quod videatur contrarium veritati, nihil aliud,
quàm vel mendosum esse codicem; vel interpretem non affectum
esse, quod dictum est; vel minimè intellexisse, non ambigam. Alios
autem ita lego, ut quantalibet sanctitate doctrinæque præpollent,
non idèò verum putem, quia ipsi ita senserunt; vel quia mi-
hi vel per illos auctores Canonicos, vel probabili ratione, quòd à
vero non abhorreat, persuadere potuerunt. Nec te, mi frater, senti-
re aliud existimo: prorsus inquā, non te, arbitror sic libros legi tuos
velle, tanquam Prophetarum, vel Apostolorum: de quorum scri-
ptis, quòd omni errore careant, dubitare nefarium est. Absit hoc à
piā humilitate & veraci de temetipso cogitatione: quā nisi esses
præditus, non utique diceres, Utinam mereremur complexus tuos,
& collatione mutuā vel doceremus aliquid, vel disceremus!

V I. Hæc ibi, & alia plura *Augustinus*! Quæ tam perspi-
cua veritatis visa fuerunt vel ipsis adversariorum Majori-
bus, ut referrentur in Corpus Canonicum. Leguntur enim,
Cap. Ego solus. Dist. 9. Et in eādē *Dist. c. Noli meis*, itidem
ex *August.* adducitur: *Noli meis literis, quasi Canonicis Scriptu-
ris deferre.* Et *Cap. Negare. Dist. ead.* citra ullam tergiversa-
tionem dicta; probatur sententia ejusdem *Augustini*: *Nega-
re non possum, nec deo, sicut in ipsis majoribus, ita multa
esse in tam multis opusculis meis, quæ possunt iusto iudicio, & nullā
temeritate culpari. Ubi audis, & in ipsis majoribus, & in scriptis
Augustini esse, quæ iusto iudicio, & nullā temeritate possint cul-
pari. Quomodo igitur habuerunt Donum Infallibilitatis?
Similia leguntur, Dist. eadem, ex eodem, c. Quis nesciat. c. No-
li frater. c. Neque quorumlibet. Cujus rei evidentiā etiam
convicti, scripserunt: *Biel, Lect. 41. in Can. Missæ: Sanctorum
Patrum auctoritas ad assentiendum ipsorum dictis neminem*
com-*

23

compellit; nisi in divinis fundata fuerit Scripturis, aut divine innitatur revelationi. Item: Auctoritates Patrum sine Scripturis non obligant ad fidem. Ac Petrus de Aquilâ 3. sentent. dist. 23. q. 2. Nuda Patrum expositio, quæ literâ destituitur, non parit consequentiam fidei. Et Bellarm. lib. 2. de Concil. c. 12. Patrum scripta non sunt regula, nec habent auctoritatem obligandi. Si ergo non sunt regula, nec habent auctoritatem obligandi: irrefragabiliter sequitur; quod *Dono Infallibilitatis* destituantur, nec ab illorum Expositionibus, tanquam ab infallibili aliquâ & indemonstrabili auctoritate, SENSUS SCRIPTURÆ, quoad nos dependeat. Vid. cit. l. B. nostrum Gerbardum.

VII. Inquis: Idem Augustinus tamen in illâ citatâ Epistolâ XIX. Hieronymo talem auctoritatem, & immediatum dictamen Spiritus Sancti tribuit, dum dicit, cap. 1. Quod si hoc verbum tibi propter facilitatem ponere placuit, ego fateor, majus aliquid expeso à benignitate virium tuarum, prudentiâq; tam doctâ, & ociosâ, annosâ, studiosâ, ingeniosâ, diligenti, hac tibi non tantum donante; verum etiam dictante Spiritu Sancto, ut in magnis & laboriosis questionibus, non tanquam ludentem in campo Scripturarum, sed in montibus anbelantem adjuves. In quibus, ut vides, certe expressis verbis Hieronymo videtur tribuere: quod non tantum donante, verum etiam dictante Spiritu Sancto, sententias suas expromat. Sed Respondemus. Si Augustinus Donum Infallibilitatis & immediatum dictamen Spiritus Sancti credidit Hieronymo inesse: cur statim subdidit: *Prorsus non te arbitror sic legi tuos libros velle, tanquam Prophetarum vel Apostolorum, de quorum scriptis, quod omni errore careant, dubitare nefarium est. Absit hoc à piâ humilitate & veraci de temetipso cogitatione: quâ nisi esses praeclitus, non utique diceres; Utinam mereremur complexus tuos, & collatione mutuâ vel docere-*

B

mus

mus aliquid, vel disceremus? Cur non acquievit in sententiâ Hieronymi, quam tulit de reprehensione Petri factâ à Paulo, Gal. 2. v. 14. sed quasi per Ironiam & satis acerbè dicit, cap. II. *At enim satius est credere, Apostolum Paulum non verè aliquid scripisse* (dum scripsit cit. I. Petrum & Barnabam non rectè ad Evangelii veritatem se vidisse ingredientem) quàm *Apostolum Petrum non rectè aliquid gessisse?* Hoc si ita est, dicamus, quod absit, satius esse credere, mentiri Evangelium, quàm negatum esse à Petro CHRISTUM: & mentiri Regnorum (Regum) librum, quàm tantum Prophetam à Domino DEO tam excellenter electum, & in concupiscendâ atque abducendâ uxore alienâ, commisisse adulterium, & in marito ejus necando tam horrendum homicidium. Et addit lit. D. Ego quidem illud Petrum sic egisse credo, ut gentes cogeret Judaizare. Hoc enim lego scripisse Paulum, quem mentitum esse non credo: Et idèd non rectè agebat hoc Petrus! Cur ad auctoritatem Eusebii Emiseni, Theodori Heracleotæ, Johannis, & aliorum, quos pro se citaverat Hieronymus, respondet quidem, nec sibi defuisse, quos sit secutus, nempe Ambrosium & Cyprianum: Sed mox subjicit: *Quamquam, sicut paulò antè dixi, tantummodo Scripturis canonicis hanc ingenuam debeam servitutem; quâ eas solas sequar, ut conscriptores earum nihil in eis omnino errasse, nihil fallaciter posuisse, non dubitem.* Proinde cum quæro tertium, (nempe quicum Ambrosio & Cypriano pro suâ sententiâ stabiliendâ sit testis tertius) ut tres etiam ego tribus opponam, possem quidem, ut arbitror, facillè reperire, si multa legissem, verum tamen ipse mihi pro his omnibus, imò supra hos omnes Apostolus Paulus occurrat. Ad ipsum confugio: ad ipsum ab omnibus, qui aliud sentiunt, literarum ejus tractatoribus provoco: ipsum interrogans interpellor, & requiro in eo, quod scripsit ad Galatas; vidisse se Petrum non rectè ingredientem ad veritatem Evangelii, citò in faciem propterea restitisse, quòd illâ simulatione gentes Judaizare cogebat? Quæ omnia luculenter sententiam nostram confir-

confirmant, & ostendunt: Augustinum in illis verbis, nec *Donum Infalibilitatis*, nec *immediatum Dictamen Spiritus Sancti* Hieronymo tribuisse. Sed locutum esse de *Dictamine Spiritus Sancti* *MEDIATO*, quando Hieronymus secundum *SEN- sum* & ductum Scripturæ aliquid pronunciabat, & per vocem Spiritus Sancti ex Scripturis depromptam, magnas & laboriosas quæstiones decidebat. Unde & ei tribuebat *benignitatem virum, prudentiamq. doctam, & ociosam, annosam, studiosam, ingeniosam, diligentem*; quippe qui diu in Sacris literis exercitatus fuerat. Ubi autem Hieronymus recedebat ab hoc dictamine Spiritus Sancti, ibi ei aperte contradicebat Augustinus, & Paulum vindicabat à suspitione mendacii, ut in allatis verbis vidimus. Indicio igitur hoc est manifestissimo; quod nunquam Patribus aliter fuerit creditum, quàm *quatenus ipsorum scripta cum Sacra Scriptura concordarunt*: Et quod nullus inter eos, vel *SIBI* vel *ALIIS* tribuerit *DONUM Infalibilitatis*, & Auctoritatem infallibilem in Expositione Scripturæ. Sed quicquid unquam infallibilis Auctoritatis in Ecclesiâ fuit, constanter creditum fuit ab Orthodoxis Doctoribus & Patribus, residere penes Prophetas & Apostolos, & penes Canonicas Scripturas. Frendeat hic Pater mendacii, & os distorqueat à terris ad orcum usque: tamen immota & inconcussa *VERITAS* stabit.

VIII. Probatur Minor II. *Quia Patres sapissimè in Expositione Scripturarum discordant.* Implicat autem contradictionem: aliquos habere *DONUM INFALLIBILITATIS*: & tamen eosdem sibi invicem contradicere; cum veritas sibi semper constet, nec verum vero, sed verum falso, & vicissim falsum vero, contradicat. Si itaque aliqui habent *DONUM INFALLIBILITATIS*, non possunt sibi invicem contradicere: quoniam ex intrinsecâ ratione *DONUM INFALLIBILITATIS*, non possunt dicere, nisi verum. Si autè sibi con-

traducunt, non habent DONUM INFALLIBILITATIS, quia eo ipso dum dicunt contradictoria, verum simul ac falsum necessario dicunt & pronunciant, & necesse est alteram partem errare; ut cuilibet prudenti patet. Quod a Patres sibi contradicant, viderunt apud *Petrum Suavem* in *Histor. Concil. Trid. p. 173.* ipsi nonnulli Patres & Theologi, dum monuerunt: *In Patrum scriptis, non modò magnam opinionum diversitatem, verum contrarietatem quoque conspici; sed quæ cum arctissimâ charitate sit conjuncta.* Et in specie *Dominicus Soto* dixit, p. 174. *In diversis expositionibus veterum Patrum reperiri contrarietates; quarum una alteri refragetur.* Ubi prius de contrarietate est verissimum. Sed posterius hic admitti non potest. Nam, quamvis Personæ arctissimâ charitate sint conjunctæ, quæ docent contradictoria: tamen ipsæ sententiæ, quæ sibi contradicunt, in tantum dissident, ut, quamdiu ster contradictio, in æternum non possint conciliari; cum *Impossibile sit; Idem simul esse aut non esse.* Aut; *Duo contradictoria simul esse vera.* Quamdiu igitur aliqui docent contradictoria: non sunt quoad illam doctrinam, arctissimâ charitate conjuncti. Sic de loco, *1. Tim. 3. v. 2.* Oportet Episcopum unius uxoris esse maritum, contrariæ fuerunt *Hieronymi & Augustini* sententiæ. Et sexcentis id ipsum comprobari posset similibus exemplis, inquit *Gerhardus l. cit. p. 158.* Inde *Hieron.* in *præfat. ad Hoseam* Prophetam, postquam recitasset, quorum Auctorum expositiones legisset, quæ in eundem Prophetam essent commentati, nempe *Apollinarii, Laodicensi, Origenis, Pierii, Eusebii Cæsariensis, Didymi Alexandrini,* subjicit: *Hæc dico, ut noveris, quos in ejus Prophetæ campo habuerim præcursores, quos tamen, ut simpliciter, & non superbe (sicut quidam amicorum meorum semper insibilat) tuæ prudentia fatear, non in omnibus sum secutus, ut Judex potiùs eorum operis, quàm Interpres existerem, diceremq; quid mihi videretur in singulis.*

IX. Ita, ut in *preced.* vidimus de *facto Petri*, discordarunt iidem *Hieronymus & Augustinus*. Ac à cæteris sanctis Doctoribus discordat Augustinus, in opere sex dierum, & ponit omnia simul facta, numerans dies non secundum successionem temporum, sed secundum distinctionem cognitionis Angelicæ rerum in proprio genere & verbo. *Item* : *Augustinus* omnium Psalmorum auctorem facit Davidem : negat autem hoc *Hieronymus*. *Hieronymus* super Epistolam ad Titum tenet : *Angelos per multa secula ante visibilem mundum existisse, & DEO servasse*. Alii autem id negant. *Sanctos*, quos dies extremus deprehendet, non morituros, sed vivos assumendos, dicit *Hieronymus*, scribens de quinque quæstionibus ad Marcellam : Omnes autem tunc morituros, affirmat Augustinus in libris de Civ. Dei. Dictum Psalmi : *In omnem terram exivit sonus eorum*. Et illud CHRISTI : *Prædicabitur Evangelium hoc in universo mundo* ; completum esse per Apostolos, scribit super Matthæum Hieronymus. Nondum hoc esse impletum, tenet in Epistolâ ad Exitium, & super Matthæum Origenes. Ut hæc & alia docuit domesticus Pontificiorum scriptor, *Picus Mirandula*, in *Apol. tom. 1. p. 144.* qui videndus. Quis igitur Patribus tribuere velit Infallibilitatem in interpretandis Scripturis?

X. Minor probatur III. Quia ipsi Pontificii Scripta Patrum submittunt iudicio Ecclesiæ : quod facere non possent, si Patres habuissent immediatam *θεοπνευσιας*, & DONUM INFALLIBILITATIS. Hinc ita Bellarm. Lib. 2. de Romano Pontifice, cap. 27. §. ult. Pontifex non habet ullos in Ecclesiâ Patres, sed omnes filios. Quid verò mirum est, si non Pater filiis, sed filii Patri suo subficiantur? Papa nec Patribus, nec eorum canonibus cogi potest. Quemadmodum igitur de modernis Scriptoribus, p. 298. Breviarij Extensi scribit, *Plurimum Reverendus, Dn. D. Johannes Hülsemannus, Amicus & Frater noster in CHRISTO honoratissimus* : Hodie &

*fi abique Indicibus Expurgatoriis, Censuris, & corruptelis scripto-
rum sub Papatu in chartas venientium esset, demonstratu facile
foret: Esse in singulis Provinciis Papistarum, in hanc usque diem,
qui publicè idem scribant & doceant. Ut pluribus ibid. §. 9. osten-
ditur: Sic etiam Scripta Patrum non tantum Ecclesiæ judi-
cio submittunt: sed etiam mutilationis & immutationis sæ-
pe non sine causâ postulati & accusati fuerunt. Nam admo-
dum suspectum est, quòd Sixtus Senensis in Epist. Nuncupato-
riâ, Opèri suo præmissâ ad Pontificem Pium V. scripsit: Expurgari
curasti, Beatissime Pater, omnium Catholicorum scriptorum, & præ-
cipuè Veterum Patrum scripta.*

XI. Probatur Minor IV. *Quia Patres sapissimè errarunt.*
Errare autem, & DONUM INFALLIBILITATIS habere
sunt impossibilia. Errasse autem, non solum confitentur
Pontificii, ut multis ipsorum testimoniis, in Conf. Cathol. l. cit.
Part. 1. p. 505. probat B. Gerbardus; Unde Episcopus Rossensis
in consuet. proæm. Lutheri p. 42. scripsit: *Et nos aliquoties errasse
Patres, non diffitemur, homines enim erant, sicut nos: Sed etiam,*
*in specie Errores quosdam Præstantissimis Patribus & Histori-
cis adscribunt. Ut de Justino Martyre, Irenæo, Tertulliano,
Clemente Alexandrino, Origene, Cypriano, Dorotheo Tyri
Episcopo, Lactantio, Eusebio Cæsariensi, Basilio, Epiphanio;
Cujus factum, auferentis velum, in quo erat imago CHRISTI
in loco sacro, quando opponitur, respondet Sixtus Senensis
lib. 3. Bibliothec. annot. 247. Una hirundo non facit ver! Ambro-
sio, Philastrio, Amphilochio, Hieronymo, Gregorio Nyssen-
o, Rufino, Prudentio, Chrysostomo, Auctore imperfecti
operis, Augustino. De cujus durâ sententiâ de parvulis, Do-
minicus à Soto de Naturâ & gratiâ lib. 1. cap. 14. dicit: Augustinus
plus iusto videtur torquere parvulos non baptizatos, unde qui ejus
sententiæ subscribunt, per pauci sunt, & tortores parvulorum
nuncupantur. Theodoretò, Cassiano, Socrate & Sozomeno,*
Pro-

Procopio, Gregorio, Damasceno, Oecumenio, & aliis; evidenter ac cum stupendâ industriâ, ostendit *desideratissimus* noster Gerbardus. Ubi etiam simul demonstrat, p. 586. memb. 5. quod non solum *separatim*, sed etiam *conjunctim & simul* in uno eodemque puncto errent, ut pluribus ibi potest videri.

XII. Cadit ergo EFFUGIUM illud, quod quærit Gregorius de Valentia, Anal. Cathol. lib. 8. c. 8. dum scribit: *Quod addunt hæretici; Patres interdum erravisse, ac inter se pugnare, id nihil nobis obstat, non enim singulorum auctoritatem, ut infallibilem asserimus, sed omnium.* Et paulò ante scripserat: *Ex definitione Concilii Tridentini concordem Patrum sententiam verissimam & infallibilem semper esse habitam: cum jure veteri Scripturam exponere contra UNANIMEM CONSENSUM Patrum, ut qui prorsus sit INFALLIBILIS.* Nam: Aut intelligitur CONSENSUS omnium Patrum in aliquo dogmate asserendo: & hic non potest monstrari, ut confitetur ipse Gregorius: cum Consensus omnium, ne unum patiatur excludi: Ecclesiæ autem Doctores ubique fuerint diffusi. Aut intelligitur CONSENSUS Plurium, & ita etiam plures in uno dogmate errasse; ipsimet iterum Pontificii confitentur. Aut intelliguntur pauciores: Et ita eos quandoque errasse dicunt, quandoque non. Ut hæc omnia latissimè ibi deducit B. Gerhardus: ad quem benevolam lectorem remittimus. Unicum exemplum Erroris de Antichristo ex tribu Dan nascituro, nos ex B. Luthero comment. in cap. XLIX, Genes. p. 666. addimus: *Ceterum, vulgata opinio est, inquit, apud omnes auctores Ecclesiasticos, quod ex tribu Dan sit venturus Antichristus, quem per colubrum intelligunt, & tanquam principalis articulus fidei recepta & approbata est ab omnibus. Sed alienissima est ab hoc loco & falsissima. Unde orta sit nescio, verum in antiquioribus etiam scriptoribus extat, & semper ab initio Ecclesiæ celebris fama fuit de Antichristo venturo, sicut inquit Jobannes, Multi sunt Antichristi. Dixerunt,*
nascen-

ascendum ipsum esse in Babylone, ex tribu Dan, & persuasit eos
commendum omnes Ecclesias, adeo ut saepe optarim majores nostros
eà diligentia & studio potius doctrinam de CHRISTO inculcasse.
Ac puto Diabolum hujus fabula auctorem fuisse, & finxisse banc
glossam, ut nostras cogitationes à vero & presente Antichristo ab-
duceret. Nam ex omnibus Scholis & doctores Papisticis nemo
est, qui sentiat Papam esse Antichristum, omnes opinantur eum ex
Babylone venturum. Interea verò dum illum somniant & exspe-
ctant, à vero Antichristo, Romano Pontifice, opprimuntur & ab-
sorbentur. Concludimus ergo cum B. Gerbaro l. cit. p. 557. &
dicimus: Non minus omnes, quam singuli, vel aliqui errare possunt,
nullus illorum habuit immediatam Spiritus Sancti assistentiam,
nullus eorum fuit Prophetes, vel Apostolus, immediatè à Spiritu
Sancto illuminatus. Solis autem Prophetis & Apostolis hoc compe-
sit, quod post acceptum Spiritum Sanctum nec omnes, nec singuli
errent, vel errare potuerint. Patres autem vel omnes simul sum-
ti, vel singuli seorsim considerati non errant, quatenus Scripturam
ducem & lucem sequuntur, qua sola non errandi privilegium ha-
bet. Hanc veritatem etiam agnoscere coactus est Jobannes
Semanus (quod tamen fictum nomen est, ut ex præfatione pa-
tet) in Methodo certà, Pacem religionis in Europà, & vera fidei u-
nitatem consequendi, Cap. 9. §. 1. dum scribit: Statuo I. Sacram-
Scripturam rectè intellectam ex mente videlicet Spiritus Sancti,
majoris omnino auctoritatis esse, quam scripta, sententias, conclu-
siones, atque interpretationes claras evidentesq; Patrum quorum-
cunque, & quantumlibet Sanctorum. Ratio manifesta est. Quod
illam certò confites esse DEI verbum & divinitus inspiratum, adeoq;
ubiq; infallibile: modo ut dixi, rectè ejus sententia percipiatur: ac
verò Patrum omnium scripta, divinitus inspirata esse non constat,
cum hominum verba sint, errores quandoq; complecten-
tia. Et §. 4. scribit: Respondeo 1. Patrum singularem acceptorum
auctoritas pure humana ac fallibilis, licet inter homines prorsus

37

proxima, habenda est: Quamvis in reliquis idem Semanus, Patribus plus tribuat, quàm æquum est. Dicit enim Responf. 2. Patrum universim juxta majorem melioremq; suorum partem acceptorum (quos cap. 7. §. 1. inprimis restringit ad quatuor aut quinq; à CHRISTO secula) auctoritatem, humanà esse certio rem, eamq; in Scripturà dubià, ac sententià articulorum fidei tutò quemvis ac sine errandi periculo sequi posse. Quam auctoritatem ibidem Directioni Spiritus Sancti adscribit, & Resp. 3. vocat infallibilem; auctoritate tamen Scriptura rectè percepta, minorem.

XIII. Sæpissimè autem in Expositione Scripturarum, venerandis Patribus errandi occasionem dedit ignorantia linguarum. Quia enim excepto Hieronymo & Origene, pleriq; Ebrææ Linguae fuerūt ignari: ideo, interpretes quandoq; non benè fidos secuti; gravissimè sunt hallucinati. Uti vel sola docere potest Augustini expositio in Psalmos. Certè enim si ille habuisset cognitionem Ebrææ Linguae, ut Hieronymus: sui similem in expositione, Scripturarum non habuisset. Sed quia eam non habuit: ideo ignorantia textus Authentici sapius eundem fecit deviare. Sic etiam parvam à mercatoribus iniiit gratiam Chrysostomus, dum scripsit Tom. II. Edit. Parisiensis, comment. in Matth. Homil. 38. p. 913. ad verba cap. XXI. v. 12. *Et ejiciebat vendentes & ementes de templo.* Significans, quia homo mercator vix aut nunquam DEO potest placere. Et ideo nullus Christianus debet esse mercator: aut si voluerit esse, projiciatur de Ecclesià DEI, dicente Prophetà: *Quia non cognovi negotiationes, introibo in potentias Domini.* Locusest Psal. 71. v. 15. prorsus non agens de Mercatoribus, nec etiam copulandus in unam sententiam. Sed ita legitur: v. 15. *Os meum narraturum est justitiam tuam, quotidie salutem tuam: quamvis ignorem numeros;* (ejus:) v. 16. *Aggrediar omnimodam fortitudinem Domine Jehovi, cōmemorabo justitiā tuā solius; ut reddidit Tremellius.* Imposuit itaq; Chrysostomo ignorantia Ebrææ Linguae,

& fides, quam habuit LXXII. Interpretibus, qui vocabulum מוֹרָסָא, quod *numeros* significat, reddiderunt, *πραγματείας*, *negotiationes*. Et hinc tam dura in Mercatores sententia; eos projiciendos esse de Ecclesiâ DEI, dicente Prophetâ: *Quia non cognovi negotiationes, introibo in potentias Domini*. Malè ergò fecerunt *Patres Concilii Tridentini*, quòd Versionem Latinam probarunt tanquam authenticam: *in praejudicium animos*, ut refert *Petrus Suavis* p. 174. *vehementi inde impressione factâ*, quòd dicebatur, *Grammaticos, Episcoporum ac Theologorum instituendorum potestatem sibi arrogaturos*: cum; quid tribuendum sit versionibus, vel ex hoc solo pateat exemplo. Et hæc aliquantò prolixius allata sunt ad confirmationem argumenti PRIM.

XIV. Argumentamur II. ad modum argumenti *Disp. II. thes. VI.* propositi: *Nulla idia Φηλουσις est principum, unde Sacra Scriptura SENSUS quoad nos dependet. Sed SENSUS Patrum est idia Φηλουσις*. E. Majoris & Minoris probationem ibi lege. Et enim hic eadem ratio SENSUS ECCLESIE, & SENSUS PATRUM. Unde & reliqua argumenta, quæ ibi proposita fuerunt, huc accommodari possunt.

XV. Argumentamur itaq; III. & ultimò: *Quorum SENSUS est ad Scripturam Sacram regulandus: ab iis non potest SENSUS Scripturae quoad nos, tanquam ab infallibili aliquo principio & auctoritate dependere. Sed SENSUS Patrum est ad Sacram Scripturam regulandus*. E. Minor suprà thes. V. fuit probata, & ab ipsis Patribus, & Pontificiis conceditur. Nam ita *Augustinus*, Tom. 7. contra Cresc. cap. 31. 32. postquam dixisset: *Secundum Prophetarum & Apostolorum libros de cæteris literis vel fidelium, vel infidelium liberè nos debere judicare*: Ego *Cypriani* auctoritate non teneor, quia literas ejus non ut *Canonicas* habeo, sed eas ex *Canonicis* considero, & quod in eis *Scripturarum* divinarum auctoritati congruit, cum laude ejus accipio, quod autem non

congruiscum pace ejus respuo. Stat ergo conclusio. Et ita demonstratum sit; quòd SENSUS SACRÆ SCRIPTURÆ quoad nos nō dependeat à SENSU ECCLESIAE; nec à SENSU PATRUM, sive unanimis sit, sive discordans: Sed ab ipsà SCRIPTURA SACRA, sive SPIRITU SANCTO per EAM ad nos loquente. Et, quòd quicquid auctoritatis Infallibilis sit in Ecclesiā, id totum sit penes Scripturam S. Doctores autem eatenus non errent, quatenus Scripturam ducem sequantur. Ut ita falsum sit, quòd in Regula credendi p. 84. scripsit Valerianus Magnus: SPIRITUM S. me ex Scriptura textu alloquentem, non possum audire, seu sensum illius capere. Cujus aduersioni, sine dubio hæc est causa, quòd Pater Valerianus nimis superbus sit, nec à Spiritu S. doceri cupiat. Inquit enim p. 385. Vivimus in eā fide, quæ tot tantosq; viros regenerat, qui MAJORA edunt miracula his, quæ patrarunt & JESUS, & omnes APOSTOLI. ut videri potest apud Dn. D. Petrum Haberkornium, in præfat. Anti. Valeriani. Quomodo igitur Intellectus Ejus à Sacra Scripturā illuminari queat? cū quantus quantus sit, tenebræ sit & cæcitas, usque ad immensitatem. Nos autem dicimus: Lucerna pedibus meis Verbum tuum Domine, & lumen semitis meis, Ps. CXIX. vers. 105.

XVI. Restat nunc, ut paucis expediamus: *Ecquo loco tandem SENSUS & TESTIMONIUM, tam univērsalis, quàm particularis alicujus Ecclesiæ; ut & SENSUS & TESTIMONIUM Patrum à nobis habendum sit? De Patribus dicit F. C. p. 571. Reliqua verò sive Patrum sive Neotericorum scripta, quocunque veniant nomine, sacris literis nequaquam sunt equiparanda, sed universa illā ita subjicienda sunt, ut aliā ratione non recipiantur, nisi testium loco: qui doceant, quòd etiam post Apostolorum tempora, & in quibus partibus orbis, doctrina illa Propbetarum & Apostolorum sincerior conservata sit? Et in Declarat. p. 632. thes. i. dicitur: Sacras literas solas, unicam & certissimam illam Regulam esse*

credimus, ad quam omnia dogmata exigere, & secundum quam de omnibus tum doctrinis, tum DOCTORIBUS judicare oporteat.
 Antequam igitur sententiam nostram exponamus: præmittendum est, quid sit *FIDES DIVINA*, quid item sit *FIDES HUMANA*? Ad *FIDEM* itaque *DIVINAM*, rectè docet ipse *Beckarmius*, lib. VI. de *Gratiâ & Libero arbitrio*, cap. 2. p. 879. requiri *TRIA*. 1. Ut aliquid certò credatur ex parte *Objecti*, id est, tanquam à *DEO* revelatum, & quod nullo modo falsum esse possit. 2. Ut firmiter credatur, ex parte *Subjecti*, hoc est, ut homo nihil dubitet, & malit potius mori, quàm articulum fidei, vel id, quod ad fidem & mores pertinet, non credere. 3. Ut *pio affectu* credatur, id est, ex quâdam inclinatione piâ erga *DEUM*; quâ incipit Homo cervicem *DEO* flectere, eiq; se subicere ad obedientiam fidei, etiam in iis rebus, quæ rationem humanam superant. Contrâ autem *FIDES HUMANA* 1. Ex parte *Objecti* non nititur aliquâ infallibili revelatione: sed vel in auctoritate humanâ, vel in humanis principijs fundata est, ac industriâ acquiritur humanâ. 2. Ex parte *Subjecti* conjuncta est, cum formidine oppositi, propter imperfectionem nostram in cognoscendo. 3. Ac magis proficiscitur ex amore erga eos, quorum auctoritate credimus, quàm ex peculiari pietate erga *DEUM*. Deinde notamus etiam, certum esse, quod à nullius hominis auctoritate duci possit infallibile argumentum. *VERACITAS* enim includit duas Perfectiones: *SAPIENTIAM* in *INTELLECTU*; ut aliquis rem rectè habeat cognitam: & *BONITATEM* in *VOLUNTATE*; ut quis non velit fallere. Quæ; quia in *DEO* infinitæ sunt, ut nec errare possit nec fallere: In homine autem finitæ, ut & errare possit & fallere: ideo solus *DEUS* est *VERAX*: Omnis autem homo *MENDAX*. Uti hæc de *FIDE DIVINA & HUMANA* etiam tradidimus in *Proæmio Collegii Concionatorii*.

XVII. Quod ergo his ita præmissis nunc I. *TESTIMONIUM*

NIUM ECCLESIE attinet, siue sit TESTIMONIUM UNIVER-
 SALIS ECCLESIE, siue PARTICULARIS: notamus I. quod illud
 considerari possit dupliciter, 1. ut abstractis à verbo asserivo, &
 rebus in Sacra Scriptura contentis; siue quatenus non includit res
 & testimonia Sacra Scriptura; & ita certum est, quod non pos-
 sit gignere, nisi FIDEM HUMANAM. Ut enim de sese est testi-
 monium Hominum: ita etiam FIDEM gignit HUMANAM, non
 DIVINAM. Unde & Ecclesie AUCTORITAS non potest referri
 nisi inter argumenta suadentia, non autem demonstrantia &
 convincentia. Si n. mihi dicatur vel ab Universali vel Particu-
 lari Ecclesia: Vel ab hoc aut illo, aut multis Patribus: Hac est
 sententia Sacra Scriptura, quam debes credere: illi tantum ha-
 beo fidem humanam, & statim recurro ad Sacra Scripturam,
 visurus, an res ita se habeat? ad exemplum Berboensium, Aft.
 17. v. 11. & quando deprehendo, rem ita se habere; aut testi-
 monium Spiritus Sancti INTERNUM percipio: tum demum
 credo FIDE DIVINA; quæ à solâ dependet Sacra Scripturâ, 2. Ut
 verbum DEI, siue res & testimonia Sacra Scriptura includit; &
 ita SEOTIVITAS habet mediata, quatenus videlicet habet, & in
 suo testimonio producit Sacram Scripturam. Et ita potest e-
 jus TESTIMONIUM gignere FIDEM DIVINAM: sed dependenter
 à Sacra Scripturâ. Quia gignit, non ut est Testimonium Ec-
 CLESIE, sed ut est TESTIMONIUM Sacra Scriptura. Sive non
 Magisterialiter: sed Ministerialiter, ut patet, vide F. C. p. 632. 633.
 Quia autem ignorat Auditor, an Ecclesia in suo Testimonio,
 RES & TESTIMONIA Sacra Scriptura includat, siue non; & an
 id faciat rectè an secus? adeoque semper cogitur dubitare;
 & propterea ad ipsam Scripturam recurrere: Ideo patet, ab-
 solutè & simpliciter loquendo, Testimonium ECCLESIE,
 non gignere, nisi FIDEM HUMANAM. DIVINAM autem FIDEM,
 solâ & unicâ niti Scripturâ Sacra. Videantur ea, quæ pluri-
 bus hanc in rem diximus, Diss. II. thes. XV. & XVI. II. Nota-

mus: *Majoris tamen Auctoritatis esse TESTIMONIUM Ecclesie Universalis, si haberi possit: quàm ECCLESIE PARTICULARIS.* Præsumitur enim major probabilitas, si aliquid à pluribus & probatis dicatur, quàm si à paucioribus & minus exercitatis aliquid proferatur. Quicquid tamen sit, non potest hinc alia FIDES in se sequi, quàm HUMANA. Pro lato enim UNIVERSALIS vel PARTICULARIS ECCLESIE TESTIMONIO: statim interrogare potest Auditor, unde certum sit, quòd hoc sit Ecclesie testimonium? fortassis EAM aliter sensisse; & an hoc TESTIMONIUM concordet cum Sacra Scriptura? Et quæ similia, numero plurima proferre potest. Sed quando SACRAS SCRIPTURAS ipse videt, legit, ac audit: tum demum per SACRAM SCRIPTURAM à SPIRITU SANCTO in ejus corde accenditur & producitur FIDES DIVINA. Quòd enim ECCLESIA UNIVERSALIS in omnibus membris suis non errat, hoc non habet ab aliquo intrinseco Principio & sibi insitâ quâdam, & à Sacrà Scripturâ separatâ & diversâ Infal libilitate: sed ab extrinseco aliquo beneficio; Providentiâ nempe & assistentiâ divinâ, quæ semper Ecclesiam, & aliquos verè credentes promissit conservare, *Mattb. XVI. v. 16.* Quæ ipsa Ecclesia tamen per totum Orbem terrarum est dispersa: & propterea nemini de ejus Testimonio apertè potest constare. *Item:* Non habet hoc ex sese: sed quatenus sequitur lucem Sacræ Scripturæ, & audit vocem Sponsi sui JESU CHRISTI. Non potest igitur TESTIMONIO suo ECCLESIA aliam FIDEM, in sese, absolutè & simpliciter gignere, quàm FIDEM HUMANAM.

XVIII. II. Quod itaq; *PATRES* porro concernit: idem planè de Isesto Judicium. Agnoscimus enim eos cum Formulâ Concordiæ, ut *TESTES*, & ut fidos *DEI MINISTROS*: non autem ut *JUDICES* & *FIDEI DOMINOS*. *TESTES atq; JUDICES sunt veritatis cælestis, non autem absoluti, summi & autentici JUDICES;*

CES; LUMINA sunt, non NUMINA; Scriptura Interpretes sunt & MINISTRI, non autem vel Scriptura, vel fidei DOMINI ac MAGISTRI, recte scribit B. GERHARDUS cit. l. c. 13. n. 4. p. 550. Aliter enim, habere debemus Apostolos, aliter verò reliquos Scripturae interatores, illos sciamus semper veni dicere, istos ut homines in quibusdam errare, inquit Hieron. Epist. 62. ad Theophil. circa medium. Illorum ergo TESTIMONIA itidem fidem gignunt in sese, non nisi HUMANAM, ut ex iis, quæ modò diximus, patet. Concedimus tamen, etiam hic dari Probabilitatē & Auctoritatis gradus: Nam sicuti sit in Testimoniis Humanis aliis, ut quò majoris sapientię & Bonitatis aliquis fuerit, eò magis etiam ei adhibeatur fides: Sic etiam, quò majoris Sapientię & cognitionis, ac exercitationis in Sacris Scripturis; & quò majoris Bonitatis & Pietatis aliquis inter Patres fuerit; eò etiam magis ei erit credendum, & eò magis ejus testimonium, apud prudentes merebitur fidem. Idem judicium esto; si plures ejusmodi Patres in aliquà re consentiant. Nequaquam ergo, dicimus iterum cum GERHARDO cit. l. m. 1. vel rejicimus, vel parvi aestimamus Patrum scripta, sed gratā mente agnoscimus, ipsos fuisse salutaria organa, per quæ Deus Ecclesie sue salutaria commoda prestitit. Nec Prophetias sive Scripturae Interpretationes, ab ipsis Ecclesia relictas spernimus, moniti à Paulo 1. Thessal. 5. v. 21. Est etiam studium, quod legendis Patribus impenditur utile, & Ecclesie salutare. Hinc enim & ita scribit B. Chemnitius Pars 1. Concil. Trid. p. 58. Grati & reverenter utimur Patrum laboribus, qui multa Scripturae loca, commentariis suis utiliter illustrarunt. Et veteris Ecclesie testimoniis, in verò & sano Scripturae SENSU, nos non parùm confirmari facimur. Neg, enim probamus, si quis sibi comminiscatur sensum pugnantem cum totā antiquitate, & cujus planè nulla sint Ecclesie testimonia. Et p. 71. Injuriam nobis facit Andrius, quod clamavit, nos in universum Antiquitatis testimonio nihil tribuere, Patrum Auctoritatem nihil pendere, Ecclesia approbationem, fidem, majestatemq; labefactare. Bonā enim conscientia affirmare possumus, nos post Sacra Scripturae lectionem aliquid, quantum quidem Domini gratia concedit, in inquirendo & investigando vera & purioris antiquitatis consensu posuisse, & quotidiè adhuc ponere. Patrum enim scriptis suum, & quidem honorificum, qui illis debetur, tribuimus locum, ut qui multos Scripturae locos, præclare explicaverunt, antiqua Ecclesie dogmata, contra novas hæreticorum corruptelas defenderunt, idq; ex Scripturā; multos locos doctrina rectè explicarunt, multa de historia primitivæ Ecclesie annoverunt, & multa alia utili-

per monuerunt. Et cupimus, id quod degnū ē DEI propter Filium mediato-
rem credimus & speramus, ut membra vera Ecclesie Catholica, in futurā
vitā, ipsum Filium DEI, Patriarchas, Prophetas, Apostolos, Martyres &
Patres, qui verum fundamentum tenuerunt, videre, & eorum familiarita-
te in omni aeternitate frui. Quod est verissimum de PATRIBUS iudicium.
Interea tamen nihilominus relinquitur, quōd illorum TESTIMONIUM,
sive distributivè sive collectivè sumatur, in rebus fidei, ut ut sit *magnum*:
non sit nisi HUMANUM, ut ipsi saniores Pontificii consentiant.

XIX. Ex quibus etiam patet, quōd id quod ex consensu Patrum,
vel priorum vel posteriorum, vel utrorūque extruatur, in se non
possit haberi pro Principio primo, quale CREDENDA requirant: cui fide
DIVINA credere aut adhærere possimus. Quia enim Patrum TESTIMO-
NIUM in se absolutè & simpliciter consideratum, non est nisi HUMANUM:
ideo non potest esse Principium fidei DIVINÆ. Ac quia id ipsum
quod ex Consensu Patrum extruitur, respectu Scripturæ Principia-
tum est, ad normam Sacræ Scripturæ examinandum ac regulandum:
eo ipso non potest esse primum rerum credendarum Principium, aut
id, unde Sacræ Scripturæ SENSUS, tanquam à Principio, quoad nos
dependeat! CONSENSUS ergo PATRUM est testimonium HUMANUM,
in se infallibilitate destitutum: nec *Walenchurchii* ulla conce-
ditur Infallibilitas in Ecclesiā existens, quā Infallibilitas Sacra Scri-
ptura. Auctoritas autem TESTIUM, quos habuit & adhuc habet Ec-
clesia, Ministerialis est, humana, suadens, non demonstrans, absolutè lo-
quendo in se fallibilis: non errans tamen, quamdiu sequitur Sacram
Scripturam. Sicut etiam id, quod *Vincentius Lyrinensis* in *commonit.*
c. 2. scripsit: FIDEM muniendam esse Divina Legis auctoritate & Ec-
clesia Catholica traditione: & hoc ut fides nostra confirmetur, tum
ut adversarii confutentur: & quod *1. Cor. III.* ex *Iustino* adductum est:
non nisi de ejusmodi TESTIMONIO verum est, & intelligi potest.
Rectè enim *Hieron.* in cap. i. *Hagg.* Gladius DEI, qui est sermo DEI vi-
vus, percussit illa, quæ absq. auctoritate & testimonio Scripturarum,
quasi traditione Apostolica homines spontè reperiunt & con-
fingunt. Et TANTUM etiam de SENSU
PATRUM!